



**JBfblioteca be Zedlogoa Êspaiioles**

Dirigioa por los Dominicos oc las provincias oc Espana

Qolumcn f

**Francisco be Vitoria, O.**

\$fonicntario0 a la ecunOa secunoac

oe ^anto omâ0

Edtdon prcparaoa por cl

1R. Uicente 38eltran be feereoia,

**Zomo iv: Se justitia** (qq. òγζ/δδ)

O 4)

**Salamanca**

Spartaoo 17

1914

ARTICULUS QUARTUS

**Utrum peccatum omissionis sit gravius quam peccatum transgressionis.**

1. — Respondet sanctus Thomas per duas conclusiones. Prima est, quod absolute loquendo majus peccatum est transgressio praecepti quam omissio. Haec conclusio patet in littera.

Secunda conclusio est, quod hoc intelligitur si materiae sint aequales, alias vero non. Vide litteram.

2. — In hoc articulo est notandum quod sunt variae sententiae de mensura et latitudine malitiae omissionis; sed late de hoc habes disputatum in 1. 2, q. 71. Aliqui dicunt quod mensuratur ex parte obligationis praeceptorum. Nam si sit major obligatio in uno praecepto quam in alio, gravius peccatum erit illa omissio. Nam Deus praecepit ut diligamus Deum et proximum, et cum major obligatio sit diligere Deum quam proximum, sequitur quod omittere dilectionem Dei erit v. g., malitiae ut decem, et omittere dilectionem proximi ut quinque. Sed hoc non valet, nec hoc est aliquid dicere, quia jam manet dubium insolubile, scilicet penes quid debet attendi et cognosci major obligatio praecepti; et sic nihil est dicere, quia hoc est quod quaerimus, quomodo sciemus quod Deus obligavit me plus ad unum quam ad aliud. Et ideo, quia hoc nihil est dicere, dicunt alii quod illud attenditur penes omissionem bonorum actuum contrariorum, et sic quod illa omissio est gravius peccatum quae est omissio melioris actus, quia si est melius audire missam quam orare, omissio dicendi missam est pejor quam omissio orandi, et sic de aliis. Sed isti etiam non declarant quaestionem, quia adhuc restat dubium, scilicet penes quid debet pensari et sciri bonitas actus. Ideo dico quod malitia omissionis est consideranda et mensuranda ex parte objecti et circumstantiarum; ex objecto quia est melius, ut diligere Deum, et ita de homicidio respectu adultarii. Et ad hoc imaginanda est omissio ac si esset actus; et clarum est quod si esset actus, malitia ejus est ex objecto: ergo sic in omissione. Nam clarum est quod baptizari est melius ex objecto quia magis necessarium ad vitam aeternam quam audire missam: ergo omissio baptismi erit majus peccatum quam omissio audiendi missam. Et sic fac comparisonem in aliis praeceptis.

## QUAESTIO OCTOGESIMA

### De partibus potentialibus justitiae.

#### ARTICULUS UNICUS

##### **Utrum convenienter assignentur virtutes justitiae annexae.**

In hac quaestione vult sanctus Thomas reducere ad unam virtutem omnes virtutes quae sunt ad alterum, ut perfectam materiam de justitia relinqueret nobis. Et ideo respondet ad quaestionem istam per aliquas propositiones. Prima est: quod virtutes minus principales duo debent habere ad hoc quod jungantur aliis virtutibus principalibus: primum requiritur quod aliquo modo convenient cum illis; secundum, quod aliquo modo deliciant <ut> a perfecta ratione ipsius. Itaque illae virtutes dicuntur quodammodo partes justitiae minus principales vel alterius cujuscumque virtutis, quae conveniunt cum tali virtute in aliquo et in aliquo deficiunt.

Secunda propositio: Omnes virtutes quae sunt ad alterum, possunt reduci ad justitiam et esse tamquam pariem illius, quia aliquo modo conveniunt cum justitia, et aliquo modo deliciunt, quia non faciunt tantam aequalitatem sicut justitia, nec possunt facere debitum justitiae sicut justitia.

Tertia propositio est: quod virtutes quae adjunguntur justitiae, faciunt aliquo modo aequalitatem.

Quarta est: quod novem sunt virtutes quae reducuntur ad justitiam, id est quae cadunt sub justitia. Prima est religio ad Deum; secunda, pietas ad parentes; tertia, observantia per quam colimus bonos viros. Et istae tres virtutes conveniunt in debito cum justitia, deficiunt tamen ab illa quia non possunt reddere aequale, ut manifeste constat. Et quarta est veritas ad fidelitatem hominis, id est per quam homines dicuntur veraces; quinta est gratitudo; sexta est vendicta (*sic*), quia etiam licet capere vendictam per modum judicis; septima est liberalitas; octava est affabilitas; nona est, licet non ponat illam expresse sanctus Thomas, epicheia quae est aequitas quaedam. Et sanctus Thomas de singulis partibus harum novem virtutum agit in sequentibus.

## QUAESTIO OCTOGESIMAPRIMA

### De religione.

#### ARTICULUS PRIMUS

##### Utrum religio ordinet hominem solum ad Deum.

Respondet sanctus Thomas quod religio exspectat ad solum Deum, sive dicatur a «relegendo», ut ait Isidorus secundum Ciceronem <sup>1)</sup>, sive a «reeligendo», ut Augustinus dicit, sive a «religando» <sup>2)</sup>. Vide litteram sancti Thomae quae satis bona est.

Lactantius Firmianus, *De vera religione*, lib. 4, cap. 28 adducit verba Ciceronis in secundo *De natura deorum*, qui dicit quod religio dicitur a relegendo; sed ille improbat hanc etymologiam, et dicit quod dicitur religio a religando <sup>3)</sup>. Calepinus citat Massurium Sabinum, qui putat quod religio dicitur a relinquendo, et sic religiosum dicitur quasi relictum religioni <sup>4)</sup>. Unde gentiles in locis solitariis colebant suos gentiles. Sed melior etymologia inter alias est illa quam ponit Lactantius, quia eandem etiam ponit Servius.

Dominus Cajetanus dicit quod sanctus Thomas non quaerit in hoc articulo an Deus sit objectum religionis, id est an religio sit circa Deum sicut circa objectum, quia Deus non est objectum immediatum religionis, sed est finis illius, et ita quaerit an religio sit circa Deum sicut circa finem, quia sic in l. 2 dicit Cajetanus quod sanctus Thomas dividit peccata per finem. Et sic virtutes possunt dividi per finem, quia aliquae virtutes sunt quae ordinant hominem ad proximum, ut iustitia, et tamen iustitia

<sup>1)</sup> Isidorus, *Etymol.* 1.10 (P. L. 82, 392).

<sup>2)</sup> August., *De civit. Dei*, l. 10, c. 3 (P. L. 41, 280).

<sup>3)</sup> L. Firmianus, *Divin. inslit.*, lib. 4, cnp. 28 (P. L. 6, 536).

<sup>4)</sup> Ambrosius Calepinus (t 1510), *Dictionannnt linguae latinae*, verbo *Religio*.

non ordinatur in proximum sicut in objectum. Sic etiam religio ordinat hominem circa Deum, scilicet velut in finem et non velut in objectum. Solum enim facit hominem bene se habere erga Deum. Et sic quando sanctus Thomas dicit quod religio est solius Dei, est dicere quod facit hominem bene se habere circa cultum Dei. Non tamen vult dicere quod objectum religionis immediatum sit Deus, sicut nec est aliarum virtutum moralium.

## ARTICULUS SECUNDUS

### **Utrum religio sit virtus.**

Rospondetur quod sic, id est colere Deum est actus virtutis et non superstitio. Probatur, quia omnis actus bonus expectat ad aliquam virtutem; colere Deum est actus bonus; ergo expectat ad aliquam virtutem; sed non est alia virtus nisi religio; ergo religio est virtus.

Arguitur contra probationem sancti Thomae, quod non omnis actus bonus sit circa aliquam virtutem. Probatur. Virtus generatur ex habitibus, et tamen illi actus qui praecedunt virtutem sunt actus morales boni; sed ad nullam virtutem expectant, id est non sunt alicujus virtutis: ergo male dicit sanctus Thomas.

Ad hoc respondet Cajetanus quod actus boni uno modo capiuntur ut bonum distinguitur contra malum; et isto modo illa major sancti Thomae non est probabilis vera. Sed alio modo capitur bonum moraliter strictius, quando procedit ex electione, id est non solum ratione circumstantiarum, sed ratione omnium quae requiruntur ad actum bonum; et isto modo est vera maxima sancti Thomae. Sed ego credo quod in generali loquitur sanctus Thomas pro quocumque actu bono morali, et sic major est vera universaliter. Ideo dico quod non opus est sic distinguere, nam sanctus Thomas loquitur de actu bono moraliter quod expectat ad aliquam virtutem, sive eliciatur ab illa virtute sive non, et sic ille actus praecedens est bonus et virtuosus.

Ultra est notandum quod quando sanctus Thomas dicit quod ad religionem expectat reddere honorem debitum Deo, debet intelligi honorem, id est cultum et obsequium conveniens et proportionatum; non enim possumus Deo aequale debitum et obsequium reddere. Est etiam notandum quod licet eadem signa reverentiae exhibeamus, id est redeamus regibus et dominis aliis, non tamen illud vocatur religio, sed solum signa illa reverentiae quae Deo exhibemus. Est etiam notandum quod omnes virtutes sunt ex sua natura virtutes, et non a lege positiva. Sed

tamen posset quis arcuere sicut arguit sanctus Thomas ad tertium, quod religio non sit virtus, quia ex lege positiva est quod flectamus genua, quod levemus manus etc. Sed ad hoc dico quod ex lege naturali est quod Deum colamus; sed qualiter illum debeamus colere, determinatum est per legem positivam.

### ARTICULUS TERTIUS

#### **Utrum religio sit una virtus.**

Respondet sanctus Thomas quod sic quia est unus finis ejus. Ergo.

Sed contra hoc arguitur sic: quia religio habet multos actus distinctos specie, id est sunt plures actus distincti specie religionis: ergo non est unica virtus, sed plures virtutes. Antecedens patet, quia cantare et flectere genua differunt specie et thurificare, quia thurificare est actus distinctus a genuflexione. Confirmatur, quia si actus religionis non essent actus distincti specie, sequeretur illorum actuum religionis (*sic*); *ti.* per consequens ex hoc sequitur quod non sit necessarium quod quis confiteatur se omisisse celebrare et se omisisse recitare etc., sed quod sufficit dicere: ego omisi bis vel ter actum religionis.

Ad hoc respondeo quod actus religionis sunt distincti specie in esse naturae, non tamen in esse moris. Et sic concesso quod sint distincti specie, nego consequentiam, scilicet quod non sit una virtus, quia probabile est quod una virtus habeat plures actus distinctos specie. Secundo, possumus dicere negando antecedens. Et ad illud quod orare et sacrificare sunt actus distincti specie, dico, et est notandum pro hoc, quod aliqui sunt actus religionis caerimoniosi qui de se non habent aliquam bonitatem nisi per hoc quod ordinantur ad religionem, id est ad cultum divinum, ut detegere caput, flectere genua etc., et isti non distinguuntur specie, sed sunt ejusdem speciei. Sed alii sunt qui, etsi expectent ad cultum divinum et ad religionem, tamen habent aliquam aliam bonitatem a bonitate religionis, et multa alia includunt; nam celebrare includit etiam orationem pro se et pro aliis. Et de his dicimus quod tales actus, si absolute considerentur ut ad religionem diriguntur, id est ut solum habent bonitatem a religione, tunc dico quod sunt unius et ejusdem speciei; non tamen ut includunt alia. Et sic ad argumentum dico distinguendo antecedens, quia si intelligatis de actibus qui solum habent bonitatem a religione, id est per hoc quod ordinantur in honorem et cultum Dei, dico quod sunt ejusdem speciei. De aliis tamen actibus dico quod possunt differre specie; et sic oportet quod confiteantur omnes species, quia possunt

habere bonitatem ultra bonitatem religionis, et sic differre specie. Sed ultimo potest dici, et melius, quod sive distinguantur illi actus specie sive non, non sufficit confiteri solum circumstantias mutantes species, sed etiam multum aggravantes. Et quia tales omissiones, dato sint actus religionis, sunt circumstantiae multum aggravantes, sequitur quod tenemur eas confiteri.

#### ARTICULUS QUARTUS

##### **Utrum religio sit specialis virtus ab aliis distincta.**

Respondet sanctus Thomas quod sic. Ratio est quia ubi est specialis ratio boni, ibi oportet ponere specialem virtutem; sed in religione est distincta et specialis bonitas, quia bonum ad quod ordinatur religio est exhibere, id est reddere Deo debitum honorem. Et cum honor debeatur alicui ratione excellentiae, Deo autem competit singularis excellentia in quantum omnia in infinitum transcendit: sequitur ergo quod debetur ei specialis virtus. Allicimur ad hoc comprobandum. Nam videmus quod diversis excellentiis personarum diversus honor debetur; alius quidem debetur patri, alius regi: relinquitur ergo quod ipsi Deo specialis honor debetur.

In solutione ad primum argumentum notabis modum loquendi Doctoris et doctorum antiquorum, quia actum elicited virtutis vocant actum proprium virtutis qui est circa objectum ipsius virtutis, sive sit actus interior sive actus exterior. Ex quo patet quod modus loquendi modernorum multum distat a modo loquendi antiquorum, quia actum elicited et imperatum dicunt differre, nam actum virtutis vocant actum manentem in voluntate, et actum imperatum vocant actum exteriorem. Sed hoc est contra doctores sanctos. Nam actus virtutis secundum omnes antiquos est actus elicited, et actus imperatus est actus qui non est proprie circa objectum virtutis, sed circa finem virtutis est imperatus; ut jejunaere est actus imperatus quia non est proprie actus objecti virtutis, scilicet Dei, sed imperatur ab illa.

#### ARTICULUS QUINTUS

##### **Utrum religio sit virtus theologica.**

Respondet sanctus Thomas quod non, quia non habet Deum immediate pro objecto, sed pro fine.

Sed contra hoc arguitur. Aliqui actus habent Deum pro objecto im-



mediato, quia orare Deum habet Deum pro objecto immediato: ergo religio est virtus theologica, quia sufficit quod habeat aliquos actus qui habent Deum pro objecto immediato. Nam caritas virtus theologica est, quamvis aliquando etiam sit circa creaturam.

Ad hoc dicit Cajetanus quod aliquo modo convenit cum virtute theologica, sed non est virtus theologica, id est habet aliquam participationem cum virtutibus theologis, licet non sit talis; et sic dicit quod quantum ad actus minus principales habet Deum pro objecto. Secundo et melius possumus dicere, quod orare Deum inquantum pertinet ad Deum non est actus religionis quia habet Deum pro objecto, sed quia est circa honorem Dei; quia si orare Deum non esset cultum facere Deo, non pertineret ad religionem. Et sic inquantum est oratio non pertinet ad religionem, sed inquantum est cultus Dei. Et ideo non ex illo probatur quod sit virtus theologica.

#### ARTICULUS SEXTUS

#### **Utrum religio sit praefenda aliis virtutibus moralibus.**

Respondetur quod sic. Ratio est quia ea quae sunt ad finem, sortiuntur bonitatem ex ordine ad finem: ergo quanto sunt fini propinquiora, tanto sunt meliora. Cum autem inter virtutes morales religio sit magis propinqua Deo quam aliae virtutes; Deo enim est propinqua quia ea quae operatur immediate ordinantur in honorem Dei. Relinquitur ergo quod religio excellit omnes alias virtutes morales. Vide litteram.

Arguit Cajetanus, quod superius sanctus Thomas, q. 28, dixit quod iustitia et misericordia sunt perfectiores virtutes inter virtutes morales: ergo male dicit sanctus Thomas quod religio est perfectissima virtus. Respondet Cajetanus quod, si loquamur de iustitia legali, verum est quod est perfectissima et praestantior religione; sed si loquamur de iustitia particulari, perfectior est religio. Secundo, possemus dicere quod sanctus Thomas, quando dixit quod iustitia est perfectior, intendebat comparare iustitiam ad omnes virtutes cardinales, et non ad religionem, et sic non contradicit sibi. Et ad illud de misericordia quod dicit supra, q. 30. a. 4, scilicet quod misericordia est maxima inter virtutes morales, dico quod religio est simpliciter perfectior. Et illic dico quod sanctus Thomas loquitur de virtutibus quae sunt ad proximum, id est intelligit quod misericordia est maxima virtus inter virtutes quae sunt ad proximum; sed tamen religio non est nisi circa Deum. Confirmatur quod religio sit perfectior virtus, quia infei ius, q. 132, a. 1 et 2 dicit sanctus Thomas quod vita

contemplativa est perfectior virtus; sed religio est pars potissima vitae contemplativae: ergo religio est virtus perfectior.

## ARTICULUS SEPTIMUS

**Utrum latria habeat aliquem exteriorem actum.**

Respondet, contra istos haereticos, quod necesse est quod religio habeat aliquos actus exteriores.

## ARTICULUS OCTAVUS

**Utrum religio sit idem sanctitati.**

Respondet affirmative, scilicet quod religio secundum essentiam est idem cum sanctitate. Verum est tamen quod differunt ratione, ut probat in littera. Vide illam.